

ԿԱՊԻՏԱԼ ՆԵՐԴՐՈՒՄՆԵՐԻ ԵՎ ՀԻՄՆԱԿԱՆ ՖՈՆԴԵՐԻ ԱՐԴՅՈՒՆԱՎԵՏՈՒԹՅԱՆՐ ՆՎԻՐՎԱԾ ԳԻՏԱԺՈՂՈՎ

Հայաստանի կոմկուսի Երևանի քաղկոմի, ՀՍՍՀ ԳԱ տնտեսագիտության ինստիտուտի ՍՍՀՄ ԳԱ հիմնական ֆոնդերի, կապիտալ ներդրումների և նոր տեխնիկայի արդյունավետության պրոբլեմային գիտխորհրդի հայկական մասնաճյուղի և Հայաստանի դիտատեխնիկական ընկերությունների հանրապետական խորհրդի նախաձեռնությամբ սույն թվականի ապրիլի 25—26-ը Երևանում անցկացվեց դիտաժողով, նվիրված ՍՍՀՄ արդյունաբերության մեջ կապիտալ ներդրումների և հիմնական ֆոնդերի տնտեսական արդյունավետության հարցերին: Գիտաժողովի աշխատանքներին մասնակցում էին էկոնոմիկայի հարցերով զբաղվող Հայաստանի գիտահետազոտական հիմնարկների, բուհերի, պլանավորող կադմակերպությունների, արտադրական ձեռնարկությունների և այլ կազմակերպությունների, ինչպես նաև Մոսկվայի, Լենինգրադի, Ալմա-Աթայի, Դուշանբեի և Միության այլ քաղաքների տնտեսագիտական մտքի ներկայացուցիչներ:

Գիտաժողովի նպատակն էր, ինչպես նշեց իր ներածական խոսքում Հայաստանի կոմկուսի Երևանի քաղկոմի քարտուղար Կ. Ս. Դեմիրճյանը, նախ դիտական լայն հասարակայնության և պրակտիկ աշխատողների ուշադրությունը բեռնել կապիտալ ներդրումների և հիմնական ֆոնդերի արդյունավետության հարցերի մշակման վրա, առանձնացնել այն հարցերը, որոնց լուծումը արդի պայմաններում առաջնահերթ խնդիր է: Երկրորդ, ուժեղացնել տարբեր գիտական հիմնարկների համագործակցությունը կապիտալ ներդրումների և հիմնական ֆոնդերի տնտեսական արդյունավետության առաջնահերթ հարցերի համատեղ ուսումնասիրման գործում, և ապա գիտական բանավեճի միջոցով նպաստել կապիտալ ներդրումների և հիմնական ֆոնդերի արդյունավետության բարձրացման հանգուցային ուղիների որոշմանը:

Առաջին պլենար նիստում «Տեխնիկական առաջադիմությունը և հիմնական ֆոնդերի արդյունավետությունը» ընդարձակ ղեկուցումով հանդես եկավ ՀՍՍՀ ԳԱ տնտեսագիտության ինստիտուտի դիրեկտոր, ակադեմիկոս Ա. Առաքելյանը:

Գիտատեխնիկական առաջընթացի բազմակողմանի կոմպլեքսի հիմնական օղակը, նշեց զեկուցողը, հանդիսանում է մեքենաների սիստեմի զարգացումը: Դա միաժամանակ հիմնական ֆոնդերի արդյունավետության բարձրացման վճռական գործոնն է:

Աշխատանքի արտադրողականության և նրա բնույթի արմատական փոփոխման համար անհրաժեշտ է ներկայիս երեք հանգուցային մեքենաներից անցնել չորս հանգուցային մեքենաներին, որոնցում վերջին՝ չորրորդ հանգուցը ավտոմատ ղեկավարման սարքերն են և հարմարանքները:

Բացատրվում է այդ նյախնով, որ ժամանակի ընթացքում տեխնիկական միջոցների կատարելագործման պրոցեսը ընդհուպ մոտեցել է իր սահմանին՝ մարդու օրգանիզմի ֆիզիկական և մտավոր հնարավորությունների սպառմանը: Դրանից հետևում է, որ հիմնական ֆոնդերի արդյունավետության բարձրացման նպատակով անհրաժեշտ է, որ դրանց ակտիվ մասը հանդես գա մեքենաների ավտոմատ սիստեմի ձևով: Այնուհետև զեկուցողը նշում է, որ այդ խնդրի հաջող լուծման համար պետք է ուսումնասիրել իրադրությունը մեքենաշինության համապատասխան արտադրություններում: Չնայած նրան, որ ՍՍՀՄ մեքենաշինությունը հասել է հսկայական հաջողությունների, դեռևս չի բավարարվում ժողովրդական տնտեսության պահանջները մեքենաների ավտոմատ սիստեմների գծով:

Մեքենաշինության առաջանցիկ զարգացումը հնարավորություն կտա զգալիորեն կրճատել ժողովրդական տնտեսության ճյուղերում հիմնական ֆոնդերի նորացման ժամկետները:

Չեկուցողը նշում է, որ տեխնիկական առաջընթացի համար կարևոր նշանակություն ունի արտադրության պրոցեսների քիմիացումը: Դա արտահայտվում է ժամանակակից քիմիայի նվաճումները ժողովրդական տնտեսության բոլոր ճյուղերում ներդնելու միջոցով: Այժմ արդեն քիմիայի շնորհիվ ստացված բազմաթիվ սինթետիկ նյութեր հաջողությամբ փոխարինում են մետաղե-

րին: Օրինակ՝ «Վոլգա» մարդատար ավտոմեքենայի ավելի քան 500 դետալ պատրաստվում է քիմիական գործարաններում:

Արտադրական պրոցեսների ավտոմատացման և քիմիացման հետ մեկտեղ գիտա-տեխնիկական առաջընթացի կարևոր բաղկացուցիչներից է երկրի համատարած էլեկտրիֆիկացումը: Ընդ որում, ինչպես նշեց Ա. Առաքելյանը, դրա տակ հասկացվում է ոչ միայն և ոչ այնքան հիդրավիկ և ջերմային կայանների շինարարությունը, որքան էլեկտրաէներգիայի կիրառումը անմիջապես արտադրության ընթացքում՝ տեխնոլոգիական պրոցեսները, շարժիչները և այլն: Ակնհայտ է, որ հնարավոր չէ անվերջ կառուցել հիդրոկայաններ, սակայն տեխնոլոգիայի կատարելագործումը էլեկտրաէներգիայի օգնությամբ գործնականում անսահման է:

Զեկուցողը հանգամանորեն կանգ առավ գիտատեխնիկական առաջընթացի արագացման պրոցեսում գիտական ուսումնասիրությունների վճռական դերի վրա: Գիտությունը գնալով ավելի է դառնում արտադրողական ուժ, քանի որ յուրաքանչյուր նոր արտադրանքում թաքնված է գիտական կոնկրետ ուսումնասիրություն, որոնում:

Գիտաժողովում բանավիճ ծավալվեց ժողովրդատնտեսական արդյունավետության ցուցանիշների շրջանակի որոշման շուրջը: Պրոֆ. Լ. Լոտինի (Մոսկվայի Պլեխանովի անվան ժողովրդական տնտեսության ինստիտուտ) կարծիքով, պետք է օգտվել ցուցանիշների սխտեմից, քանի որ մեկ ընդհանրացնող ցուցանիշը կգտնվի տարբեր ուղղությամբ ազդող գործոնների ներքո: Զեկուցողը իրելույթում մանրամասն կանգ առավ նաև արտադրական կարողությունների որոշման մեթոդի վրա: Ներկայումս սխալ կերպով կարողության հաշվարկի ընթացքում ելնում են նրա յուրացման աստիճանից, այլ ոչ թե տեղակայված սարքավորման տեխնիկական բնութագրից:

Նույն տեսակետն է պաշտպանում Տ. Աշիմբաևը (Ղազախական ՍՍՀ ԳԱ տնտեսագիտության ինստիտուտ): Վերջինս առաջարկում է արտադրական կարողության հաշվարկի հիմքում դնել ոչ թե պլանային, այլ օպտիմալ ասորտիմենտը:

Հիմնական ֆոնդերի արդյունավետության ցուցանիշների և արտադրական կարողության միջև համեմատականության ապահովելու համար ղեկուցողը նպատակահարմար է գտնում վերջինս հաշվարկել նաև արժեքային արտահայտությամբ, օգտվելով թողարկվող արտադրանքի միջինացված մեծածախ գներից:

Գիտաժողովի քննարկման հարցերից մեկը դարձավ կապիտալ ներդրումների արդյունավետության գնահատումը տնտեսավարման նոր սխտեմի պայմաններում:

Այդ հարցերին էր նվիրված տնտ. գիտ. դոկտոր Բ. Նդիաղարյանի ղեկուցումը: Նրա կարծիքով, անհրաժեշտ է նախ և առաջ պարզություն մտցնել կապիտալ ներդրումների հասկացության բնորոշման հարցում: Կապիտալ ներդրումներ պետք է համարել այն ծախսումները, որոնց շնորհիվ ստացված արդյունքները ծառայում են երկար ժամանակի ընթացքում, բազմակի անդամ օգտագործելու համար: Այն դեպքում, երբ դրանք արտադրության միջոցներ են, ենթադրվում է վերջիններիս մասնակցությունը մի շարք արտադրական ցիկլերին, իսկ եթե ոչ՝ արտադրական միջոցներ են, ապա ի նկատի է առնվում այն, որ դրանք կարող են օգտագործվել մեկ տարուց ավելի: Զեկուցողն այն կարծիքին է, որ բնակչության կողմից կենցաղային օգտագործման դրոշ առարկաների գնման վրա ծախսված միջոցները նույնպես պետք է դասել կապիտալ ներդրումների շարքին:

Ժողովրդական տնտեսության մեջ կապիտալ ներդրումների իրացման ընթացքում հարկ է լինում ընտրություն կատարել հնարավոր մի քանի տարբերակների միջև: Այդ դեպքում օգտվում ենք «Տիպային մեթոդիկայում» առաջարկված պայմաններից:

Զեկուցողի կարծիքով, համեմատական արդյունավետության և լրիվ կապիտալ ներդրումների արդյունավետության ցուցանիշները չի կարելի դիտել միմյանցից զատ: Օպտիմալ տարբերակի ընտրությունը, ըստ համեմատական արդյունավետության՝ իրենից ներկայացնում է ածանցյալ ձև: Միաժամանակ պետք է նշել, որ համեմատական արդյունավետության ցուցանիշները իրենց աշխարհի տեսքով ամբողջական չեն, որքանով որ նրանցում չի երևում արտադրանքի դնի փոփոխությունը ըստ կապիտալ ներդրումների դիտարկվող տարբերակների:

Արտադրական ֆոնդերի քաղաքատնտեսական էության մասին ղեկուցումով հանդես եկավ պրոֆ. Պ. Պավլովը (Լենինգրադ): Արտադրական ֆոնդերը սոցիալիզմի օրոք հանդիսանում են հանրային սեփականություն: Միաժամանակ այդ նույն ֆոնդերը բաշխված են առանձին ձեռնարկությունների միջև տնտեսաշարժային հիմունքներով:

Զեկուցողի կարծիքով արտադրական ֆոնդերը ունեն ապրանքային բնույթ, քանի որ արտադրության պրոցեսում և արժեքի ստեղծման ընթացքում հանդես են դալիս որպես ապրանքներ: Խոսելով ֆոնդահատույցի փոփոխման օրինաչափությունների մասին, Պ. Պավլովը նշում է, որ անհրաժեշտ է մանրամասն ուսումնասիրել արտադրական ֆոնդերի օրգանական կազմի դինամի-

կան, Դա պայմանավորված է նրանով, որ տեխնիկական առաջընթացը բերում է հիմնական ֆոնդերի առաջանցիկ աճին՝ շրջանառու ֆոնդերի համեմատությամբ: Սակայն, ֆոնդահատույց կրարծրանա այն դեպքում, երբ հիմնական ֆոնդերի միավորին՝ բաժին ընկնի ավելի շատ շուկանառու, ֆոնդեր:

Մտքերի շախույժ փոխանակություն ծավալվեց հիմնական ֆոնդերի արդյունավետության բարձրացման համար արտադրության տարբեր օղակներում ճիշտ համամասնությունների պահպանման հարցի շուրջը: Հանդես եկող ընկերները (Տ. Աշիմբաև, Ա. Հարությունյան) նշեցին, որ հիմնական ֆոնդերի առանձին մասերի վերարտադրության միջև համամասնությունները կարելի է պահպանել պլանավորման հաշվեկշռային մեթոդի օգնությամբ:

Դիտաժողովում ղեկուցումներ կարդացվեցին նաև արտադրության կազմակերպման ձևերի կատարելագործման (Լ. Վարդանյան), կապիտալ ներդրումների արդյունավետության վրա գների աշխարհադրության ազդեցության (Վ. Տորրին), Հայաստանի արդյունաբերության մեջ կապիտալ ներդրումների փաստացի արդյունավետության (Վ. Անդրիասյան) և քննարկվող պորբլեմի հետ առնչվող այլ հարցերի մասին:

Վերջում գիտաժողովը քննարկված հարցերի վերաբերյալ ընդունեց կոնկրետ հանձնարարականներ:

Է. ԳՐԻԳՈՐՅԱՆ

Մ. ԱՐԵՂՅԱՆԻ ԱՆՎԱՆ ԳՐԱԿԱՆՈՒԹՅԱՆ ԻՆՍՏԻՏՈՒՏՈՒՄ

Ապրիլի 23—24-ին տեղի ունեցավ Մ. Արեղյանի անվան գրականության ինստիտուտի երիտասարդ գիտաշխատողների և ասպիրանտների գիտական նստաշրջան՝ նվիրված հայ գրականության պատմության ու տեսության տարբեր հարցերի:

Ինստիտուտի գիրեկտոր Վ. Նալբանդյանի բացման խոսքից հետո լավեցին մի շարք ղեկուցումներ: «Թուամանյանի ստեղծագործական մտածողության հարցերից» թեմայով հանդես եկավ ինստիտուտի տեքստաբանության բաժնի ասպիրանտ Զ. Ավետիսյանը, որին հաջորդեց հայ հին գրականության բաժնի գիտաշխատող Վ. Ներսիսյանի «Այլաբանությունը միջնադարի հայ տաղերգության մեջ» ղեկուցումը:

Ապա լավեցին նույն բաժնի ասպիրանտներ Կ. Մուրադյանի «Բարսեղ Կեսարացու «Վարք»-ի հայերեն զրչադիր խմբագրությունները» և Հ. Սիմոնյանի «Պղնձե քաղաքի պատմության» հայերեն թարգմանությունը և նրա բնագրային կաֆաները» ղեկուցումները:

«Պատմվածքի ժանրային բնույթի ըմբռնումները ժամանակակից գրականության մեջ» թեմային էր նվիրված գրականության տեսության բաժնի գիտաշխատող Լ. Ղազարյանի ղեկուցումը:

Նստաշրջանի մասնակիցները մեծ հետաքրքրությամբ լսեցին գրականության տեսության բաժնի գիտաշխատող Ն. Աղալյանի «Սովետահայ բալլադը» և տեքստաբանության բաժնի գիտաշխատող Ա. Չարենցի «Եղիշ Զարենցի մի անավարտ պոեմի մասին» ղեկուցումները:

Հայ նոր գրականության բաժնից ղեկուցումներ կարդացին Լ. Դավթյանը՝ «Լևոն Մանվելյանի պոեզիան», Վ. Կիրակոսյանը՝ «Ինտրայի ստեղծագործությունը» և Ն. Անանյանը՝ «Արևմտահայ սենտիմենտալ վիպագրությունը 50—60-ական թվականներին» թեմաներով:

Սովետահայ գրականության բաժնի երիտասարդ գիտաշխատող Վ. Գրիգորյանի թեման էր «Սովետահայ գրամատուրգիայի սկզբնավորումը», իսկ «Սովետական երիտասարդական արդի պոեզիայի մի քանի հարցերին» էր նվիրված Յ. Մելիքյանի ղեկուցումը: Եվ, վերջապես, գրական կապերի բաժնի գիտաշխատող Վ. Փարթամյանը կարդաց «Հայ գրականությունը անգլերեն լեզվով հրատարակված պարբերականներում» ղեկուցումը:

Երիտասարդ գիտաշխատողների և ասպիրանտների ղեկուցումների շուրջը ծավալված մտքերի փոխանակությունը մասնակիցներն բանասիրական գիտությունների դոկտոր Մ. Սարինյանը, բանասիրական գիտությունների թեկնածուներ Մ. Նահապետյանը և Ա. Չաքարյանը: